

essen. Welches tages er darvon essen würde/ würde
er des todes sterben/ Gen. 2. v. 15. & seq.

Weil aber der Mensch dieses Gebot vnd Ver-
bot Gottes freywillig verlassen / dem Teuffel gefol-
get / vnd es vbertretten / Gen. 3. v. 4. so ist er mit allen
seinen nachkommen dem Tode heimgefallen / das vber
alle der alte Bund ist : Mensch / du must sterben /
Syr. 38. Denn wie durch einen Menschen die sün-
de ist kommen / also ist der tod (verstehet durch die
sünde) zu allen menschen hindurch gedringen / die-
weil sie alle gesündigtet haben / Ro. 5.

Was Paulus nennet *Stipendium peccati*, der sün-
den solt / Sprach den alten bund / das nennet der herr
Jesus von Nazareth / Gottes vnd Marien kind / vn-
ser vnd aller welt Heiland / im heutigen ordentlichen
sontags Euangelio eine schuld / die ein König von sei-
nen knechten vnd vnterthanen mahnet vnd einfor-
dert. Von welcher schuld wir zu demmal etwas
reden vnd hören wollen.

Der ewige barmhertzige Gott vnd Vater vn-
ser HErrn Jesu Christi gebe vns darzu seine gna-
de / vmb seines Sohnes willen / Amen.

Es ist auff Erden vnter den Menschen
ein verdriessliches ding / schuld einmahnen /
dauon auch der weise Mann Sprach sagt / cap. 29.

B iij

v. 8.

E.

F.

G.

H.